



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKO VIJEĆE
Komisija za izbor i imenovanje Općinskog vijeća Tešanj

Broj: 01-02-02-2-776-5/18

Datum: 11.02.2019. godine

Na osnovu Odluke o utvrđivanju uslova i kriterija za izbor i imenovanje članova radnih tijela Općinskog vijeća Tešanj ("Službeni glasnik Općine Tešanj" broj 4/18), Zaključka Općinskog vijeća od 27.12.2018.godine i Zaključka Komisije za izbor i imenovanje Općinskog vijeća Tešanj od 08.02.2019. godine objavljuje se

Ponovljeni javni poziv
za dostavljanje prijava za izbor i imenovanje članova
radnih tijela Općinskog vijeća Tešanj

I

Objavljuje se Javni poziv za dostavljanje prijava za izbor i imenovanje članova radnih tijela Općinskog vijeća Tešanj, kako slijedi:

1. Statutarno – pravnu komisiju;
2. Komisiju za praćenje primjene kodeksa ponašanja vijećnika i javnosti rada Vijeća;
3. Komisiju za pitanja mladih i ravnopravnost polova;
4. Komisiju za zaštitu čovjekove okoline;
5. Komisiju za monitoring nad realizacijom Strategije razvoja Općine Tešanj i
6. Komisiju za budžet

Opći uslovi

II

Kandidat treba da ispunjava sljedeće opće uslove:

1. Da je državljanin Bosne i Hercegovine.
2. Da ima prebivalište na području općine Tešanj.
3. Da mu radni odnos na bilo kojoj razini vlasti u BiH nije prestao po osnovu disciplinske mjere, u period od dvije godine prije objavljivanja javnog poziva.
4. Da nije pod optužnicom Međunarodnog suda za bivšu Jugoslaviju (član IX stav 1. Ustava BiH).
5. Da nije osuđivan za krivična djela ili prekršaj koji ga čini nepodobnim za obavljanje dužnosti za koju se kandidira.
6. Da ima najmanje 3 (tri) godine iskustva.
7. Da ima najmanje srednju stručnu spremu – IV stepen, uz sljedeće utvrđene izuzetke:

a) U svaku komisiju će biti imenovan minimalno jedan član sa visokom stručnom spremom (najmanje 180 ETCS bodova);

b) U Statutarno-pravnoj komisiji, Komisiji za Budžet i Komisiji za monitoring nad realizacijom Strategije razvoja Općine Tešanj potrebno je da svi kandidati imaju visoku stručnu spremu (najmanje 180 ETCS bodova).

Posebni uslovi

Za donošenje konačne rang liste kandidata na osnovu koje će se vršiti predlaganje odluke o izboru članova radnih tijela, pored općih uslova, uzet će se u obzir i posebni uslovi koje budu ispunjavali kandidati, i to:

1. Da imaju rezultate i iskustvo u radu iz oblasti koja je u vezi sa nadležnosti jednog od radnih tijela.
2. Da poznaju Statut i Poslovnik o radu Općinskog vijeća.

Prijave kandidata

III

Kandidati su dužni dostaviti *prijavu na propisanom obrascu koji se nalazi u prilogu* ovog Javnog poziva. Kod kandidata koji bude ispunjavao Opće uslove uzet će se u obzir i Posebni uslovi iz ovog Javnog poziva, od čega će zavisiti i konačno rangiranje na listi uspješnih kandidata.

Na javni poziv kandidati su dužni priložiti (original ili ovjerenu kopiju):

1. Obrazac prijave.
2. Dokaz o stručnoj spremi.
3. Dokaz o iskustvu (uvjerenje ili potvrda poslodavca, drugi dokaz kojim se dokazuje iskustvo u radu radnih tijela, udruženja građana, komisija i slično).
4. Dokaz o državljanstvu.
5. Dokaz o prebivalištu.

Izborni postupak i imenovanje

IV

Proceduru za izbor članova radnih tijela provodi Komisija za izbor i imenovanje Općinskog vijeća Tešanj (u daljem tekstu Komisija).

U slučaju da se na javni poziv prijave kandidati sa sličnim ili istim kvalifikacijama, Komisija će organizovati intervju sa tim kandidatima, a kako bi se donijela što kvalitetnija odluka.

Komisija o provedenoj proceduri podnosi izvještaj Općinskom vijeću Tešanj sa prijedlogom članova za imenovanje sa utvrđene rang liste uspješnih kandidata, vodeći računa o ravnomjernoj zastupljenosti oba pola, pripadnika nevladinog sektora i marginaliziranih grupa.

V

Javni poziv za dostavljanje prijave objavljuje se na zvaničnoj internet stranici Općine Tešanj, lokalnim medijima sa kojima Općina Tešanj ima potpisan ugovor i oglasnoj ploči.

Prijave sa potrebnim dokumentima slati preporučeno na adresu Općina Tešanj, Trg Alije Izetbegovića 1 sa naznakom za „Javni poziv broj 01-02-02-2-776-5/18“ ili predati na šalterima Općine Tešanj.

Napomena:

1. Nepotpune, neuredne i neblagovremene prijave se neće uzimati u razmatranje.
2. Kandidati koji su ispunjavali uslove po prvom i ponovljenom javnom pozivu nisu obavezni dostavljati nove prijave jer će automatski ući u ponovno razmatranje.
3. Kandidati koji su ranije dostavili prijave sa nepotpunom dokumentacijom mogu istu samo dopuniti.

Zadnji dan za dostavu prijava je 21.02.2019. godine.

Prilog:

1. Obrazac za prijavu
2. Informacija za kandidate iz prvog i ponovljenog javnog poziva



Komisija za izbor i imenovanja

Kasim Huskić
Kasim Huskić, predsjednik